

Maniitsup Sisimiullu Kommuuniisa akornanni suleqatigiinnissaq pillugu tusagassiutitigut nalunaarut.

Ataatsimeeqatigiinneq

Borgmesteri Søren Lyberth aamma borgmesteri Hermann Berthelsen ataatsimoorlutik oqaaseqaamminni paasissutissiissutigivaat, Maniitsup Sisimiullu Kommunalbestyrelsi Maniitsumi maajip 2-aniit 4-nut 2006-imi siullermeerlutik ataatsimeeqatigiissimasut.

Suleqatigiinnissamik isumaqatigiissummik Maniitsup Sisimiullu Kommunalbestyrelsiinit februaarimi akuerisaasumik ataatsimiinneq malinnaatitsineruvoq.

Suleqatigiinnissamik isumaqatigiissutip pingaarnertut imarisaasa sisamaasut iluini ataatsimiinnermi suleqatigiissutaasinnaasut immersorlugillu tullerriaarneqarput:

Namminersornerullutik Oqartussanit suliassanik tigusinissami suleqatigiinnissaq

Maniitsup Sisimiullu Kommunalbestyrelsiisa pingaartutut isigivaat, Namminersornerullutik Oqartussat Kommuninut taakkununga marlunnut akisussaaffinnik tunniussiartuaarnerat piaarnerpaamik aallartinneqassasoq.

Kommunit marluullutik pissusissamisoorsorivaat, Namminersornerullutik Oqartussat:

- sanaartornermut tunngasut piaarnerpaamik tunniutissagaat
- ulloq unnuarlu meeqqanut innarluutilinnullu inissianik sanaartornissami aningaasaliissutaasartut kommunenut tunniunneqassasut
- atuisut siunnersuisoqatigiiffilerlugit sumiiffimmi pilersuineq tunniunneqassasoq

Ilisimaarisanik sulisunillu paarlaasseqatigiittarnissami suleqatigiinnissaq

Maniitsup Sisimiullu Kommunalbestyrelsiisa ilisimaarisaminnik sulisuminnillu paarlaasseqatigiittarsinnaaneq tunngavissaqarsorivaat ineriartorfeqarsoralugulu, tulliuuttuq eqqarsaatigalugit:

- isumaginninnermut ilinniartitaanermut sulisoqarnermullu tunngasutigut politikkissat iliuusisallu suliarineqarnerini
- pisiniarnermi, kiffartuussinissamik isumaqatigiissuteqarnermi, suliassallu neqeroorutiginerini assigiissaarinissamik suliaqarnissami

Sulisut ilinniartitaanerini suleqatigiinnissaq

Kommunalbestyrelsit taakku marluullutik aamma takusinnaalluarpaat, tulliuuttutigit periarfissaqarlutik:

- allatseqarfimminni allaffissuarminnilu taamatullu teknikkimut tunngasutigut assigiimmik ilinniartitaanerit
- perorsaanermut tunngasutigut sumiiffimmi ilinniartitsinerimik aallartitsinissami
- peqatigiiffiit aqqutigalugit timersornikkut ingerlatsisussanik ilinniartitsinerit qulakkeernissaanni peqataanissami

Inuutissarsiutitigut ineriartortitsinerimi suleqatigiinnissaq

Qanittumik qanitariinneq eqqarsaatigalugu tamanna inuutissarsiutitigut ataatsimoortumik ineriartortitsinikkut periarfissatigut atorluarneqartariaqarpoq, pingaartumik makkunatigut:

- takornariaqarnikkut, tassa marluullutik Sermersuarmut periarfissaqartitsiviugamik, sisorarnikkut periarfissaqartitsigamik, aalisarnikkut periarfissat pitsassuit taamatullu umiarsuarlutik takornariartitsinikkut, tamarmilli immikkuullarissunik
- Kangerlussuup eqqaa ilaatigut aatsitassanik misissuiffissaqarfiusoq, piniarnikkullu periarfissanik ineriartortitsiviusinnaasoq
- Kommunenimik pisinnaasaqarfiulluurtutigut suliffinnik aallartitsiniaasoqarlutik

Suliat ingerlaqqinnissaat

Kommunenimik taakkunani ataatsimiititaliat ingerlatsiviillu susassaqtut suliat ingerlateqqillugit immersorlugillu tullerriaassavaat.

Siullermik tamarmik immikkoortutik immikkoortortani ataatsimiititalianilu assigiinngitsuni, tamatum kingorna kommunenimik ataatsimiititaliaqatigiit atsimeeqqatigiinnerini naggataatigullu Maniitsup Kommunalbestyrelsiata Sisimiunut ukiup matuma naanerata missaani tikeraarneratigut naammaasinnissutaasumik suliarineqarlutik.

Borgmesterit marluullutik neriuutigivaat, suleqatigiinnissamik anersaaq ilumoortoq, ataatsimeeqqatigiinnerillu kingunerinik aalajangiussanillu piviusunik imaqartoq, kommunenimik taakkunani pitsaanerisumik akikinnerusumillu kiffartuussinikkut innuttaasunut iluaqutaasussamik ingerlateqqinneqaannassasoq.

Suleqatigiinnissarput ineriartortillugu ingerlatsillugu, Inatsisartut qulaatiinnarluta nutaanik aningaasartuutaangaatsiartussanik aalajangersaagaluarpata, iluaqutaanaviaranilu akornutaaginnassaaq. Iluatungaatigullu Aaqqissuussaannermut Isumasioqatigiissitat siunnersuutaat naapertorlugu suliasat ingerlateqqinnissaat piareersimaffigaarput, borgmesterit taakku marluk naggasiipput.